

TERMA DAN SYARAT

Penganjur & Kelayakan

1. Peraduan "**BELI & MENANG dengan MyDebit atau DuitNow QR**" ("**Peraduan**") dianjurkan oleh **ECONSAVE RETAIL SDN. BHD.** (No. Syarikat: 1557739-A / 202401011889) ("**Penganjur**") dengan kerjasama **Payments Network Malaysia Sdn. Bhd.** (No. Syarikat: 836743-D / 200801035403) ("**PayNet**").

2. Peraduan ini terbuka kepada individu yang memenuhi kriteria berikut:

- a) Pemilik kad MyDebit Automated Teller Machine ("**ATM**") dan DuitNow QR yang dikeluarkan oleh institusi kewangan di Malaysia;
- b) Pemastautin tetap di Malaysia (MyPR) atau warganegara Malaysia (MyKad) yang mempunyai dokumen pengenalan diri yang sah sepanjang Tempoh Peraduan;
- c) Berumur 18 tahun dan ke atas serta mempunyai akaun yang sah dengan mana-mana institusi kewangan di Malaysia ("**Peserta**");
- d) Akaun tersebut mestilah tidak dorman dan aktif dengan kedudukan kewangan yang baik sepanjang Tempoh Peraduan dan sehingga penebusan hadiah.

3. Individu berikut tidak layak menyertai Peraduan ini:

- Kakitangan Penganjur dan PayNet (termasuk syarikat bersekutu, subsidiari atau berkaitan) serta ahli keluarga terdekat mereka (anak, ibu bapa, adik-beradik, termasuk pasangan); dan/atau
- Wakil, kakitangan dan/atau agensi pengiklanan atau agensi promosi Penganjur dan PayNet (termasuk sekutu dan syarikat berkaitan), dan ahli keluarga terdekat mereka (anak-anak, ibu bapa, adik-beradik, pasangan).

Tempoh Peraduan & Kriteria Penyertaan

1. Pertandingan ini akan bermula dari **15 Oktober 2025 hingga 31 Disember 2025 jam 11:59 PM** (Waktu Malaysia) ("**Tempoh Peraduan**"). Sebarang penyertaan yang diterima selepas Tempoh Peraduan akan ditolak dan dianggap tidak sah.

2. Pembelian minimum **RM100 dan ke atas** di semua cawangan Econsave dalam satu resit/transaksi menggunakan kad MyDebit (melalui transaksi tanpa sentuh / 'contactless' atau PIN) atau menggunakan DuitNow QR sebagai kaedah pembayaran (dengan slip resit bercetak yang jelas), akan melayakkan satu (1) penyertaan bagi setiap resit ("**Bukti Pembelian**").

3. Peserta boleh menghantar lebih daripada satu (1) penyertaan. Setiap resit pembelian hanya boleh digunakan sekali. Semua penyertaan peserta akan dibatalkan sekiranya resit pembelian yang sama digunakan untuk lebih daripada satu (1) penyertaan.

4. Penganjur berhak untuk meminda dan/atau melanjutkan tempoh Peraduan serta menamatkan Peraduan.

5. Peserta yang telah terpilih sebagai pemenang ("**Pemenang**") dikehendaki mengemukakan Bukti Pembelian sebelum penebusan/pemenuhan hadiah boleh dilakukan. Kegagalan untuk berbuat demikian akan menyebabkan pembatalan hadiah yang dimenangi oleh Peserta.

6. Bukti Pembelian mesti dikemukakan melalui kaedah yang dinyatakan di bawah (Cara Penyertaan).

Cara Penyertaan

7. Peserta boleh menghantar penyertaan mereka melalui penghantaran dalam talian/laman web ("**Mekanisme Peraduan**").

- **Cara Penyertaan: melalui penghantaran dalam talian/laman web**
- Hantar penyertaan anda melalui: <https://econsavemydebit102025.myideascontest.com/>
 - Setiap penyertaan yang sah dan lengkap mesti mengandungi maklumat berikut:

- i. Butir-butir peribadi anda seperti nama penuh, tarikh lahir, alamat e-mel yang sah dan nombor telefon;
- ii. Maklumat resit yang tepat dan jumlah pembelian (contoh dilampirkan di bawah);

ECONSAVE

ECONSAVE CASH & CARRY (PDS) SDN BHD
[Co. No.: 201501010060115595-KJ]
NO. LOT 218 & 219 JALAN BANTING
TAMAN PERINDUSTRIAN SORENA JAYA,
42000 PELABUHAN KLANG, SELANGOR D.

Inv No. : 061025/1010001/00105
Date : 06/10/2025 18:27
Cashier : 601000780 - NURAMILIA

Description	Qty	Amnt(RM)
ITEM # 9557327002381	1	6.40
LIBRESSE MAXI NIGH		
ITEM # 9557327002381	1	6.40
LIBRESSE MAXI NIGH		
ITEM # 9555748055467	1	3.90
TPE DIS GLV S 100S		
ITEM # 8851932287524	1	17.70
VASELINE B/LOTION		
ITEM # 2040880000000	1	8.19
LOBAK MERAH IMPORT		
ITEM # 2007930000000	1	2.00
KACANG PANJANG		
ITEM # 2002340000000	1	20.48
DADA AYAM B.TULANG		
ITEM # 2021770000000	1	28.06
DAGING IMPORT		
ITEM # 2064760000000	1	12.09
SENGKUANG TEMPATAN		
ITEM # 9555261001958	1	0.20
PLASTIC BAG		
SURTOTAL :		105.42
ROUNDING ADJ :		-0.02
TOTAL :		105.40

Payment :-
BANKKARD 105.40
Card No: 5265 XXXX XXXX 9768
APPROVAL CODE: 182829

Total : 105.40

Total Purchased : 10

BANDINGKAN HARGA KAMI
Thank You. Please Come Again.

ECONSAVE

ECONSAVE CASH & CARRY (KP) SDN BHD
[Co. No.: 199301023595 (278333-M)]
14-22, Jalan Raja Mokhtar 4, Pekan Kapar,
42200 Kapar, Selangor Darul Ehsan

Inv No. : 011025/10002/01/00359
Date : 01/10/2025 19:59
Cashier : 60042066 - TURKKADEWI

Description	Qty	Amnt(RM)
ITEM # 8888307882572	1	2.80
RED BULL GOLD 250ML		
ITEM # 9555021109917	1	28.90 ^
PP TAPE XL42 UNC		
ITEM # 9556001305626	1	102.00 ^
S26 PROMISE 1.65KG		
ITEM # 9555501409186	1	9.10
ES VALUE CORDIAL M		
TOTAL :		142.80

Payment :-
DNQR 142.80
DUTNOW QR
MID : 5739842657843629
TID : 211111111000201
Merchant Name : ECONSAVE-10002-KP
Txn Ref : 20251001MBBEMYKL0300QR74451335

Total : 142.80

Total Purchased : 4
Total Direct Disc : 6.10
^ Product with Promo Price

BANDINGKAN HARGA KAMI
Thank You. Please Come Again.

- iii. Imej resit pembelian yang jelas dan penuh sebagai Bukti Pembelian;
 - SIMPAN: **BUKTI PEMBELIAN (asal)**.
- iv. Semasa penghantaran, peserta perlu bersetuju dengan maklumat berkaitan notis privasi dan maklumat pemasaran.
- v. **Nota:** Setiap Bukti Pembelian yang dihantar akan diberikan **satu (1)** nombor siri rawak bagi setiap penyertaan (satu penyertaan bagi setiap resit pembelian tanpa mengira jumlah yang dibelanjakan). (Nota: nombor siri adalah untuk rujukan/pandangan Penganjur sahaja dan tidak akan didedahkan kepada Peserta).

8. Peserta dikehendaki memberikan dokumen pengenalan diri yang sah (MyPR atau MyKad) semasa atau sebelum penebusan hadiah untuk proses pengesahan Pemenang. Bukti Pembelian yang pudar, rosak dan sebagainya akan dianggap tidak sah dan akan dibatalkan.

9. Pemenang akan dipilih berdasarkan proses berikut:

- **Pemilihan pemenang:** Pada akhir keseluruhan Tempoh Peraduan, Peserta yang layak akan disenarai pendek melalui sistem pemilihan berkomputer automatik berdasarkan bilangan penyertaan sah yang diterima sepanjang Tempoh Peraduan.
- Pemenang hanya layak dan berpeluang memenangi **satu (1) hadiah** sepanjang Tempoh Peraduan.
- Selepas tamat setiap Tempoh Peraduan, sekiranya pemenang tidak dapat dihubungi selepas tiga (3) percubaan untuk tiga (3) hari berturut-turut (semasa waktu bekerja, Isnin hingga Jumaat), Penganjur berhak membatalkan kelayakan Pemenang dan akan memilih peserta lain yang layak sebagai Pemenang mengikut budi bicara mutlak Penganjur.

Hadiah Peraduan & Penebusan

Hadiah Peraduan: Hadiah Utama

Jenis Hadiah / Tempoh	Hadiah Peraduan	Jumlah Pemenang Peraduan
Hadiah Pertama (15 Okt – 31 Dis 2025)	Perodua Alza 1.5L H (D-CVT) (OTR tidak termasuk insurans)	1
Hadiah Kedua (15 Okt – 31 Dis 2025)	Perodua Myvi 1.5L X (D-CVT) (OTR tidak termasuk insurans)	1
Hadiah Ketiga (15 Okt – 31 Dis 2025)	Perodua Axia 1.0L X (D-CVT) (OTR tidak termasuk insurans)	1
Hadiah Keempat (15 Okt – 31 Dis 2025)	Yamaha Ego Avantiz (OTR tidak termasuk insurans)	3
Hadiah Kelima (15 Okt – 31 Dis 2025)	iPad Air (11", Space Grey, 256GB, WiFi)	10
Hadiah Keenam (15 Okt – 31 Dis 2025)	Xiaomi Robot Vacuum X20 Pro	6
Hadiah Ketujuh (15 Okt – 31 Dis 2025)	Nespresso Lattissima One White	6
Hadiah Saguhati (15 Okt – 31 Dis 2025)	Baucar membeli-belah Econsave bernilai RM1,000	30

- Sejumlah **58 hadiah** diperuntukkan untuk Peraduan ini.
- Hadiah Pertama – Keempat: Pemenang kenderaan - tidak termasuk insurans/takaful, yuran pendaftaran dan cukai jala.
- Imej Hadiah Peraduan yang ditunjukkan dalam sebarang bahan promosi, iklan, publisiti dan bahan lain yang berkaitan dengan Peraduan ini adalah untuk tujuan ilustrasi sahaja dan mungkin tidak menggambarkan hadiah sebenar.

1. Hadiah tertakluk kepada terma dan syarat yang ditetapkan oleh pembekal (jika berkenaan). Sejauh yang dibenarkan oleh undang-undang, Penganjur, PayNet dan ejennya tidak akan bertanggungjawab terhadap sebarang liabiliti, kerugian dan kerosakan akibat sebarang penangguhan, pembatalan, kelewatan atau perubahan butiran hadiah atau sebarang keadaan luar jangka yang di luar kawalan munasabah Penganjur dan/atau PayNet serta sebarang tindakan atau kegagalan mana-mana vendor atau pembekal pihak ketiga.

2. Penganjur dan PayNet tidak akan bertanggungjawab terhadap sebarang kerugian atau kerosakan yang berlaku semasa proses penebusan hadiah.

3. Penganjur berhak untuk menangguhkan tarikh dan menukar lokasi penebusan hadiah kepada tarikh lain atau lokasi lain sekiranya berlaku sebarang keadaan luar jangka.

4. Penganjur dan PayNet tidak akan bertanggungjawab terhadap sebarang kos pengangkutan berkaitan dengan penebusan dan/atau penghantaran hadiah. Sebarang kos tambahan, cukai, yuran dan/atau perbelanjaan berkaitan penebusan hadiah adalah tanggungjawab sepenuhnya Pemenang.

5. Penyerahan hadiah tertakluk kepada ketersediaan hadiah tersebut. Penganjur akan memaklumkan kepada pemenang dari semasa ke semasa.

6. Semua keputusan yang dibuat oleh Penganjur berhubung dengan Peraduan termasuk tetapi tidak terhad kepada pemilihan pemenang dan Hadiah Peraduan adalah muktamad, konklusif dan mengikat. Sebarang surat-menyurat, pertanyaan, rayuan atau bantahan daripada Peserta tidak akan dilayan.

7. Pemenang akan dihubungi oleh Penganjur berdasarkan maklumat hubungan yang diberikan semasa proses penyertaan.

8. Pemenang mesti menuntut hadiah Peraduan mereka pada tarikh tertentu yang akan dimaklumkan oleh Penganjur atau dalam tempoh SATU (1) bulan selepas dimaklumkan oleh Penganjur (melalui SMS atau saluran komunikasi lain). Sekiranya Pemenang gagal menuntut hadiah atau melantik wakil dalam tempoh tersebut, Penganjur berhak untuk melucutkan hadiah dan memberikan hadiah tersebut kepada Pemenang lain. Pemenang perlu mengemukakan dokumen pengenalan diri yang sah untuk menebus/menerima hadiah mereka.

9. Pemenang yang memerlukan wakil untuk menuntut hadiah bagi pihak mereka perlu memastikan wakil berkenaan mengemukakan: Surat kebenaran daripada Pemenang, salinan dokumen pengenalan diri Pemenang yang sah dan dokumen pengenalan diri wakil yang sah.

Hak Pihak Penganjur

1. Dengan menyertai Peraduan ini, Peserta memberikan kebenaran kepada Penganjur dan PayNet untuk menggunakan, menyiarkan atau memaparkan nama-nama dan gambar-gambar Peserta/Pemenang (jika ada) bagi tujuan pengiklanan, pemasaran, publisiti dan apa jua tujuan lain di dalam apa jua saluran penerbitan, pengedaran atau paparan, tanpa sebarang notis terlebih dahulu atau bayaran pampasan kepada Pemenang/Peserta. Pemenang/ Peserta tidak mempunyai hak untuk membuat tuntutan hak milik atau lain-lain pampasan terhadap material tersebut.

2. Hadiah tidak boleh ditukar dengan wang tunai. Penganjur berhak untuk menggantikan hadiah dengan hadiah lain yang mempunyai nilai yang sama mengikut budi bicara mutlaknyanya. Sejauh yang dibenarkan oleh undang-undang, Penganjur, PayNet, agensinya, sekutu, dan penaja serta wakil mereka tidak akan bertanggungjawab ke atas sebarang kecacatan atau penyalahgunaan hadiah, atau terhadap sebarang tuntutan, liabiliti, kerugian, atau kerosakan yang berkaitan dengan Peraduan ini.

3. Jika atas apa-apa sebab Peraduan ini tidak dapat diteruskan seperti yang dirancang atas sebab (dan tidak terhad) seperti penyebaran virus komputer, penggodaman, campur tangan tanpa izin, penipuan, kegagalan teknikal, apa-apa tindakan kerajaan tidak terhad kepada perintah kawalan pergerakan atau apa-apa sebab di luar kawalan, Pihak Penganjur berhak, mengikut budi bicara mutlaknyanya, membatalkan, menamatkan, mengubah suai atau menggantung Peraduan ini.

4. Pihak Penganjur berhak, mengikut budi bicara mutlaknyanya, untuk membatalkan kelayakan mana-mana Peserta dan / atau penyertaan yang didapati atau disyaki menipu / menggodam / menyalahgunakan proses penghantaran Peraduan, operasi Peraduan atau melanggar mana-mana Terma dan Syarat Peraduan ini.

5. Pihak Penganjur berhak untuk mengubah mana-mana Terma dan Syarat Peraduan ini pada bila-bila masa atas budi bicara mutlaknyanya.

6. Sebagai tambahan kepada Terma dan Syarat ini, sebarang perintah atau peraturan lain Peraduan seperti yang dinyatakan di laman web <https://econsavemydebit102025.myideascontest.com/> atau sebaliknya, juga akan mengikat semua Peserta dan penyertaan mereka dalam Peraduan ini.

7. Sekiranya terdapat sebarang percanggahan antara Terma dan Syarat ini dengan sebarang terma yang terkandung dalam sebarang bahan promosi untuk peraduan ini, terma dan syarat yang terkandung di <https://econsavemydebit102025.myideascontest.com/> akan diguna pakai. Sekiranya terdapat percanggahan antara versi Bahasa Melayu dan Bahasa Inggeris bagi Terma dan Syarat, versi Bahasa Inggeris bagi Terma dan Syarat akan diguna pakai.

8. Dengan menyertai Peraduan ini, Peserta memberi kebenaran kepada Pihak Penganjur atau mana-mana pihak ketiga yang dilantik oleh Penganjur untuk memproses data peribadi Peserta yang diberikan untuk tujuan Peraduan.

9. Melainkan dinyatakan sebaliknya, semua kos pengangkutan, caj internet, kos peribadi dan/atau sebarang kos, yuran dan/atau apa-apa jenis perbelanjaan yang ditanggung oleh Peserta yang berkaitan dengan Peraduan ini (sama ada untuk tujuan menyertai, menghantar penyertaan atau penerimaan Hadiah) adalah ditanggung sepenuhnya oleh Pemenang/Peserta. Pihak Penganjur, PayNet, sekutunya, ejen-ejen dilantik atau wakilnya tidak akan bertanggungjawab di atas sebarang kos/caj/yuran/perbelanjaan yang ditanggung oleh Peserta berkaitan dengan Peraduan ini.

10. Pihak Penganjur dan PayNet, sekutunya dan/atau pihak ketiga yang dilantik tidak bertanggungjawab atas penyertaan yang hilang, rosak, lewat disebabkan atau sebarang kesilapan teknikal.

Liabiliti dan Tanggungjawab

1. Peserta dan Pemenang akan menanggung sepenuhnya dan bertanggungjawab sekiranya berlaku liabiliti, kejadian tidak diingini, kecederaan, kerosakan, tuntutan atau kemalangan (termasuk kematian)

yang disebabkan penyertaan mereka di dalam Peraduan ini dan/atau penebusan dan/atau penggunaan Hadiah dan bersetuju untuk melepaskan Pihak Penganjur, PayNet dan agensinya daripada sebarang tuntutan sama ada bagi sebarang kecederaan, kemalangan, kehilangan nyawa mahupun kehilangan ekonomi dan lain-lain.

2. Setakat yang dibenarkan oleh undang-undang, tidak di dalam apa-apa keadaan Penganjur dan PayNet atau pegawai, pekerja, wakil dan/atau ejen (termasuk, mana-mana pembekal perkhidmatan pihak ketiga yang berurusan dengan Penganjur untuk tujuan Peraduan ini) bertanggungjawab terhadap sebarang kerugian atau kerosakan (termasuk kehilangan pendapatan, keuntungan atau nama baik atau ganti rugi tidak langsung, sampingan, berbangkit, teladan, punitif atau khas mana-mana pihak termasuk pihak ketiga) yang timbul sama ada dalam kontrak, tort, kecuai atau sebaliknya, berkaitan dengan Peraduan ini, walaupun Penganjur telah dinasihatkan tentang kemungkinan kerosakan tersebut terlebih dahulu, dan semua ganti rugi yang tersebut adalah dinafikan.

3. Dengan menyertai Peraduan ini, Peserta bersetuju untuk mematuhi keputusan yang dibuat oleh Pihak Penganjur dan bersetuju dengan Terma dan Syarat Peraduan dan semua keputusan yang dibuat oleh Pihak Penganjur.

4. Penganjur juga ingin menasihati peserta yang dihargai untuk menghubungi Penganjur untuk pengesahan mengenai Peraduan. Pemenang akan dihubungi dan dimaklumkan melalui nombor WhatsApp berikut: **016 622 7998**.

Perlindungan Data

1. Dengan mengambil bahagian dalam Peraduan ini, Peserta bersetuju dan memberi kebenaran kepada bank mereka untuk mendedahkan dan memberi kebenaran kepada Pihak Penganjur untuk mengumpul, menyimpan, menggunakan, memproses nama mereka, nombor kad pengenalan (KP) yang telah ditutupkan dan butir-butir peribadi lain ("**Data Peribadi**") untuk tujuan menjalankan Peraduan ini, termasuk tetapi tidak terhad kepada pengumuman dan penerbitan Data Peribadi dan/atau foto Peserta di laman sesawang Penganjur untuk tujuan pengiklanan dan publisiti.

2. Dengan mengambil bahagian dalam Peraduan ini, Peserta juga memberikan persetujuan dan kebenaran kepada Pihak Penganjur untuk berkongsi atau mengumpul Data Peribadi mereka termasuk dengan pihak ketiga (jika diperlukan) tidak terhad kepada agen Pihak Penganjur atau mana-mana bank peserta MyDebit di Malaysia. Semua pihak ketiga tersebut dikehendaki secara kontrak, tidak menggunakan Data Peribadi Peserta selain daripada cara yang dinyatakan di sini.

3. Di bawah undang-undang Malaysia, hak Peserta termasuk:

a. Hak untuk menarik balik kebenaran untuk penggunaan Data Peribadi pada bila-bila masa dengan menghubungi Penganjur di alamat kontak yang dinyatakan di bawah yang disediakan Penganjur dengan memberikan nama dan alamat e-mel Peserta untuk penghapusan Data Peribadi tersebut;

b. Hak untuk mendapatkan salinan Data Peribadi yang dimiliki oleh Penganjur; dan

c. Hak untuk membetulkan Data Peribadi yang tidak tepat.

4. Peserta boleh merujuk kepada Terma dan Syarat laman web Penganjur di <https://econsavemydebit102025.myideascontest.com/>. Untuk menghubungi talian bantuan Penganjur semasa waktu bekerja, 9 pagi-5 petang, Isnin - Jumaat di **+603 7886 5886** untuk sebarang maklumat berkaitan perlindungan data atau hak undang-undang.

5. Penganjur akan mengambil langkah berjaga-jaga yang munasabah untuk menyimpan Data Peribadi Peserta dengan selamat, dan memerlukan pemprosesan data daripada pihak ketiga untuk melakukan perkara yang sama. Bagaimanapun, Penganjur boleh mendedahkan Data Peribadi Peserta jika dikehendaki oleh undang-undang, waran geledah, sepina atau perintah mahkamah.

6. Sebarang perkara mengenai Data Peribadi yang berkaitan dengan Peraduan ini akan ditadbir oleh dan dikendalikan mengikut **Akta Perlindungan Data Peribadi 2010** dan sebarang undang-undang yang berkaitan di Malaysia.

[TAMAT]